

Ernst Cothmann


Meditationes Piae, De Remediis Adversus Calamitates, Pressuras atq[ue] calumnias. Et De Inimicis Diligendis

Rostochii: Rostochii: Hallerfordi[i]: Pedanus, 1614

<http://purl.uni-rostock.de/rosdok/ppn73044192X>

Druck Freier  Zugang





Aug A-C

S. 130

1217 fol. Fol

Im-3511^{1.2.}

42 1/2





MEDITATIONES

P I Æ,

DE REME-
DIIS ADVERSUS
GALAMITATES, PRES-
suras atq; calumnias.

ET

DE INIMICIS

DILIGENTIBUS

EXCERPTA

S. AUGUSTINO

Et in oratione aliquam

ERNESTO COTHMAN,

Juriscoſulto.

ROSTOCHII

Typis Joachimi Pedani, Anno 1614.

Impensâ Johan: Hallerfordi.

ERNESTUS COTHMAN
FILIO FRIDERICO,

salutem & incolumi-
tatem.

Fili mi, Duo sunt, de quibus te hoc tem-
pore admonere velim, Unum, de cala-
mitatibus, pressuris, & calumnijs Christiana
patientia perferendis, alterum, de inimicis
pia Charitate complectendis. Utrumq; per
quam graue & admodum difficile est, neq; in-
has infirmitate perfecte praestari potest. Ita-
terim admittendum, & pro dono diuinitus
dato ac concesso laborandum nobis est, ut in
utroq; operam sedulam ponentes indies profici-
ciamus, & quod carni corrupta difficile est,
spiritu impleamus. Quo magis autem in hac
aetate tua adhuc tenera ad utrumq; flectaris,
meditationes meas ex S. Augustino illa de
re excerptas, & in ordinem aliquem digestas
tibi exhibeo. Dabam inter aulicas occu-
pationes, Gustroby Anno M. DC. XIII.
die XXV. Octobris, quo ante annos sex-
decim lucem hanc feliciter aspexisti. Salve
& pie sancteq; vive.



MEDITATIO-
NES PIÆ DE REME-
dijs adversus Calamitates
pressuras & Ca-
lumnias.

INECOMMODIS ET
fortunis adversis
nullum nec anti-
quius nec melius
nec certius remedium est,
quàm cogitare & scire, Deum
esse calamitatum autorem.
Ne igitur dicamus calamitosi
& injurijs pressi: Hoc nobis
Diabolus fecit: Hoc nobis
homo fecit: Prorsus ad Deum
nostrum referamus flagellum
nostrum, quia nec Diabolus
A 2 nec

nec homo nobis aliquid facit, nisi Deus permittat, permittit autem nihil, nisi quod nobis prodest *August. Psal. 31.*
& *Psal. 55.* cupiditatem nocendi uterq; potest habere, propriam: potestatem autem, si ille non dat, non habet. *August. Psal. 32.* Non enim est potestas nisi à Deo *ad Ro. 13. v. 1.* Sic Diabolo, sic homini nulla est potestas in hominem, nisi desuper detur. Stabat iudex vivorum & mortuorum ante hominem iudicem, & inflavit se homo iudex, videns ante se Christum, & ait: Nescis, quia potestatem habeo occidendi & dimittendi te. At ille, qui venerat & eum docere, à quo iudicabatur, Non haberes, inquit,

quit, in me potestatem, nisi
esset tibi desuper data. Et ho-
mo & diabolus non nisi ac-
cepta potestate nocent, sed
proficientibus non nocent.

August. Psalm. 103. Quid ipse
Diabolus? Aususne est vel u-
nam oviculam tollere viro
sancto Job, nisi prius diceret:
Mitte manum tuam, h. e., da
potestatem? ille volebat: sed
ille non sinebat. Quando il-
le permisit, ille potuit. Non
ergo ille potuit, sed qui per-
misit. Ideo bene eruditus ipse
Job non ait: Dominus dedit
& Diabolus abstulit: sed, Do-
minus dedit, & Dominus abs-
tulit, sicut Domino placuit,
ita factum est, non sicut Dia-
bolo placuit. *Aug. d. Psal. 32.*
Et cum à capite usq; ad pe-

des in putredine vermium,
fueret, nec tunc tribuit Dia-
bolo aliquam potentiam Job:
sed & cum ei suggessisset &
uxor ejus, quam solam reli-
querat Diabolus non conso-
latrix mariti, sed adjutricem
sui, & dixisset ei: dic aliquod
verbum in Deum, & morere:
dixit ei, locuta es tanquã u-
na ex impietibus mulieribus:
Si bona suscepimus de manu
Domini, mala quare non su-
stinebimus? *August. Psal 90.* In-
sulsi certè pueri sumus in do-
mo patris amantes patrem,
si nobis blãdiatur, & odio ha-
bentes quando nos flagellat:
quasi non & blandiens & fla-
gellans hereditatē nobis paret
August. Ps. 32. Quod Dominus
Deus noster nos permittit pa-
ti ha-

ti flagellū, corrigentis est non
pœna damnantis *August. in*
Joh. cap. 1. tract. 7. & Ep. 121. in-
telligamus homines, medicū
nostrum esse Deum: & tribu-
lationem medicamentum esse
ad salutem, non pœnam ad
damnationem *August. Ps. 21. &*
Psal. 22. Quid verò non mise-
ricorditer nobis præstatur à
Domino Deo, à quo etiam
tribulatio beneficiū est: Nam
res prospera donum est con-
solantis: res autem adversa
donum est admonentis Dei
August. epist. 87. Breve scilicet
mysterium, ut noverimus
eum misericorditer dare cum
dat, misericorditer auferre
cum tollit: nec nos credamus
à misericordia ejus derelin-
qui, qui nobis aut blanditur

A 4

dando

dando ne deficiamus, aut corripit exultantes, ne pereamus. Sive ergo in eius donis, sive in eius flagellis, laudemus eum. Laus flagellantis, medicina est vulneris. *August. Psal. 144.* Quicquid hinc accidit, contra voluntatem nostram noverimus non accidere, nisi de voluntate Dei, de providentia ipsius, de ordine ipsius, de nutu ipsius, de legibus ipsius: & si nos non intelligimus, quid quare fiat, demus hoc providentiae ipsius, quia non fit sine causa *August. Psalm. 148.* Tu igitur, sancte Domine, cor mentemque nostram rege, ut te calamitatum nostrarum autorem cogitemus in timore & tremore *Psal. 2. v. 11.*

Secundum remedium est,
ut

ut in calamitatibus ad ipsam
verum calamitatum autorem
confugiamus. Quando tribu-
lamur: utiq; è tribulatione ex-
ire desideramus. Si carcer fe-
cit tribulationem, exire de
carcere exquirimus: si fames
fecit tribulationem, saturita-
tem exquirimus: si damnum
fecit tribulationem, lucrum
exquirimus: si peregrinatio
fecit tribulationem civitatem
carnis nostræ exquirimus: &
quid cuncta commemore-
mus? quando cuncta com-
memoremus? Sed si velimus
esse transilientes, in die tribu-
lationis nostræ, Deum exqui-
ramus, non per Deum aliud,
sed per tribulationem Deum
August. Psal. 76. in cruce nimi-
rum, calamitate, & tribulatio-
ne ad

A 5

ne ad Deum oremus & clamemus, & Deum timeamus, *Jacob. s. v. 13.* nullum enim majus, nullum melius negotium est in tribulatione, quàm recedere ab eo strepitu, qui foris est, & ire in interiora mentis secretaria, ibi Deum invocemus, ubi nemo videt gementem & subvenientem, illius cubiculi adversus omnem extrinsecus illatam molestiam ostium claudamus, humiliemus nos ipsos in confessione peccati, magnificemus & laudemus Deum, & corripientem & consolantem. Prorsus hoc omninò tenendum. *August. Psal. 34.* & in omni tribulatione ad Deum confugiendum est, sive sit tribulatio in re familiari, sive sit
in

in salute corporis, sive de pe-
 riculo charissimorum, sive
 de aliqua re ad hujus vite su-
 stentationem necessaria *Aug.*
Psal. 45. sive quando maledi-
 cimus, & quid agamus non
 habemus: quando nobis ja-
 ctantur opprobria, & quo-
 modo corrigamus eum, à quo
 jactantur, non invenimus.
August. Psal. 68. & Psal. 70. sive
 fera in nos sæviat, sive ser-
 pens insidietur, sive homo
 nos oderit, sive Diabolus nos
 impugnet. *August. Psal. 32.* sive
 supervenerit hyems torporis,
 tēpestas timoris, frigus tristi-
 tiæ: sive sit aliqua exhonora-
 tio, sive humiliatio *Aug. Psal.*
66. nullum omninò aliud re-
 fugium debet esse nobis Chri-
 stianis, quàm Salvator noster,
 A 6 - quo

quo cum confugerimus, fortes erimus. *August. d. Psal. 45.* nihil aliud nobis restat, nisi orare. *August. d. Psal. 68. & Psal. 70.* cor habeamus fixum in illo, qui se non subtrahit, etsi quasi subtrahit aurē plorantibus, sed apponit misericordiam deprecantibus. Novit quid agat, qui nos fecit: novit & reficere nos: bonus est structor, qui ædificavit domum; si aliquid ibi deciderit, novit reficere. *Aug. Psal. 21.* Tu igitur Deus sis spes nostra inter tentationes, inter iniquitates, inter scandala, inter apertas oppugnationes & subdolas locutiones: inter eos, qui ore suo benedicunt & corde suo maledicunt: inter eos, qui honorē nostrum
cogi-

cogitant repellere : inter furrones, detractores, Deo odibiles, ubi possunt, palàm epugnantes, ubi non possunt, occultè insidiantes, falsò laudantes, verè inimicantes *Aug. Psal. 61.* Tu sis medicus noster omnisciens & omnipotens: & nobis, qui quotidie & nos ipsos vulneramus, & ab alijs vulneramur, prorogandę misericordię quotidianam medicinam propina *August. Homil. 28.*

Tertium remedium est testimonium bonę conscientię. Inter omnes namq; tribulationes humanę animę nulla est major tribulatio, quàm conscientia delictorum. Si enim ibi requies non est propter abundantiam iniquita-

quitatis, quoniam & ibi Deus non est. quid facturus est homo? Quò confugiet, cum cepit pati tribulationes? Fugiet ab agro ad civitatem, à publico ad domum, à domo ad cubiculum, & sequitur tribulatio. A cubiculo jam quo fugiat non habet, nisi interius ad cubile suum. Porrò si ibi tumultus est, si fumus iniquitatis, si flamma sceleris, non illuc potest confugere. Pellitur enim inde: & cum inde, pellitur, à seipso pellitur. Et ecce hostem suum invenit, quo confugerat, seipsum: Quò fugiturus est? Quocunq; fugerit, se talem trahit post se: & quocunque talem traxerit se, cruciat se, sed à se ipso sunt tribulationes tantò acerbiores

res

res quantò interiores. Cæte-
rum, si ibi vulnus non sit, fa-
numq; sit intus hominis, quod
cōscientia vocatur, ubicunq;
alibi passus fuerit tribulatio,
nes. illic confugiet & ibi in-
veniet Deum *August. Psal. 45.*
Si igitur incurrerit tibi tribu-
lacio, & quæras te defendere,
& fortè nemo accipiat defen-
sionem tuam, & tu jam per-
turberis quasi perdidideris cau-
sam tuã, quia nullius habeas
defensionem aut testimoniũ:
custodi intus innocentiam,
tuã, ubi nemo opprimit cau-
sam tuam. Prævaluit in te fal-
sum testimonium? sed apud
homines. nunquid apud
Deum valebit, ubi causa tua
dicenda est? Quando Deus
iudex erit, alius testis quam
con-

conscientia tua non erit: inter
judicem justū & conscientiam
tuā noli timere, nisi causam
tuam: si causam malam non
habueris, nullum accusatorem
pertimesces, nullum falsum
testem refelles, nullum verum
requires: Tu tantum bonam
conscientiam affer.

Aug. Psal. 37. Est interior pulchritudo conscientia, ibi videt Christus, ibi amat Christus, ibi alloquitur Christus, ibi punit Christus, ibi coronat Christus *August. Psal. 44.*

Hac conscientia fretis Martyribus parum fuit perdere pecuniam, quando proscripti sunt: perdiderunt & animam suam, quando passi sunt, perdiderunt animam, ut in vitā æternam invenirent eam.

Aug.

August. Psal. 52. Hac conscientia mater Macchabæa tyranni immanitatem & ferocitatem contemnens & deridens, & filios numero plures & se ipsam morti libens lubensq; tradidit *Machab. 2. cap. 7.* Hac conscientia Evangelistæ & Apostoli durissima, ignominiosissima, sævissima & crudelissima queq; perpessi sunt *August. Epist. 50. Psal. 29. Psal. 35. Psal. 36.* Hac conscientia Stephanus ibat ovans animis & spe sua damna levabat *Act. 7.* Tuigitur Deus noster in nobis quoq; conscientiam rectam & bonam crea, ut ad calamitates, adversitates, opprobria, calumnias, & persecutiones fortiter stemus: tibi gloriã tribuamus, & per multas

tas tribulationes regnum tuū
ingrediamur. *Actor. 14. v. 22.*

Quartum remedium est
præparatio ad crucem & per-
secutiones Nam cum Chri-
stum sequi velimus, Christi
discipuli esse cupiamus, Chri-
sto digni haberi desidere-
mus: necesse est, ut nosmet-
ipsum abnegemus, & crucem
nostram quotidie ferre disca-
mus *Matt. 10. v. 38. & c. 16. v.*
24. Marc. 8. v. 34. Luc. 14. v. 24.
in tranquillitate pacis com-
prehendamus doctrinam sa-
pientiæ, quæ inter Tribula-
tionum turbines difficulter a-
gnoskitur, nec facile inveni-
untur in adversitate præsidia,
quæ nõ fuerunt in pace quæ-
sita. Sed quemadmodum ja-
cula prævisa minus feriunt.
sic

fic calamitates & tentatio-
nes ante cogitatæ patientius
recipiuntur & tolerantur *Ec-
cles. 7. v. 30. August. Psal. 55. &
Psal. 59.* efficiuntq; ne vitam
hanc quasi prosperam eliga-
mus, & solam adversam de-
vitemus, sed utramq; cavea-
mus, illã ne corrumpat, istam
ne frangat *Aug. Psal. 74.* & in
tribulationibus, in pressuris,
in tentationibus fortes simus,
perduremus, *August. Psal. 39.*
duremus inter contradicen-
tes, perferamus minas, biba-
mus opprobria *Aug. Psal. 54.*
clamemus cum Jobo, Domi-
nus dedit, Dominus abstulit,
sit nomen Domini benedi-
ctum: Domino sic placuit, sit
Domini placitum benedi-
ctum: Dominus sic voluit sit
volun-

voluntas Domini benedicta.
Job. 1. 7. 21. Utamur mundo
isto indifferētur, nec extolla-
mur, quando res prosperæ ac-
cedunt; nec frangamur, quan-
do res adversæ sunt: sed ubiq;
dominum benedicamus, non
solum quando abundamus,
sed etiam quando amittimus:
non solum quando sani su-
mus, sed etiam quando ægro-
tamus: ut sit in nobis vera illa
cantio, benedicam dominum
omni tempore, semper laus
ejus in ore meo. Si ergò sem-
per: & quando arridet pro-
speritas, & quando tristis est
adversitas *August. Psalm. 138.*
Tu igitur Deus sis in corde
quærentium te, in corde con-
fitentium tibi, & proñcien-
tium se in te, & plorantium
in

in sinu tuo post vias difficiles:
& tu facilis abstergas lachri-
mas nostras, ut magis plore-
mus & gaudeamus in fleti-
bus *August. confess. s. cap. 2.* Te
inspirante, id volumus: te ad-
juvante, id possumus *August.
epist. 134.* Tu hortare pigros,
doce studiosos: hortare, ut
pugnemus, adjuva dimican-
tes; deficientes subleva; labo-
rantes ne desere: adjuva ut
vincamus, & vincentes coro-
na *August. Psal. 32.*

Quintum remedium, præ-
cedenti velut injunctum, est
fides atque constantia, quæ
exemplis ex calamitatibus e-
reptorum confirmanda est.
Quemadmodum enim insula
undiq; circumstrepentibus flu-
ctibus tundi potest, frangi
non

non potest, magis magisque
ipsa frangit fluctus venientes,
quàm frangatur ab eis: Sic
& Ecclesiæ Dei pullulantes
per totum orbem terrarum,
patiuntur persecutiones un-
diq; frumentum infidelium,
& ecce stant Insulæ & jam
placatum est mare *Aug. Ps. 96.*
Liberavit Jehova Adamum
& Evam de Diaboli potestate
Gen. 3. v. 7. de diluvio Noam
Gen. 6. v. 7. Abraham à fame
Gen. 26. v. 1. & c. 41. Actor. 7.
v. 11. August. Psal. 33. Lothum
de cœlesti incendio *Gen. 19. v.*
12. Isaac de imminente gladio
Gen. 22. v. 1. & seq. Joseph de
calumnia mulieris & è custo-
dia carceris *Gen. 39. v. 7. &*
seqq. & c. 41. v. 40. & seqq. Mo-
sen ab Ægyptijs *Exod. 14. v. 7.*
& seqq.

Et seqq. ab excidio civitatis
Rahab *Jos. 6. v. 17. Et v. 23.*
Susannam à testibus falsis
Daniel. 13. Danielem de lacu
leonum *Daniel. 6. v. 16.* tres vi-
ros ab ignibus *Daniel. 3. v. 23.*
Et seqq. *August. epist. 120.* Hu-
miliatus videbatur Job per-
dita substantia sua, perditis
filijs suis, perditis quæ serva-
bat, perditis quibus servabat,
remanet sine hæreditate, &
quod est tristius, sine hærede,
remansit ad solam uxorem,
non suam consolatricem sed
Diaboli potius adjutricem.
Humiliatus videbatur, videli-
cet si miser factus est, videli-
cet si non erat in abscondito
vultus Dei. Nudus, ait, exij
de utero matris, nudus rever-
tar in terram. Dominus dedit,
Domi-

Dominus abstulit, sicut Domino placuit ita factum est, sit nomen Domini benedictum: Istæ geminæ laudes Dei unde sunt? videte pauperem foris, intus divitem. Istæ geminæ laudes non exirent de ejus ore, nisi thesaurum haberet in corde. *August. Psal. 30.* Nonnè martyres amati sunt vehementer, & quando nos commemoramus, exardescunt in amore? Quid in illis amamus fratres? membra laniata à feris. Quid fœdus, si oculos carnis interrogas? Quid pulchrius, si oculos mentis interrogas? *August. in Joan. c. 1. tr. et. 3.* Tu igitur Jehova sis interior dominator noster, sis interior pastor & consolator noster, sis interior fiducia

cia nostra *Aug. Psal. 30.* ut cer-
tò credamus & statuamus
quod tu nunquam nobis au-
feraris, qui dedisti, quamvis
nobis ablatum sit, quod dedi-
sti *August. Psal. 32.*

Sextum remedium est, ut
finē cogitemus, evigilemus, &
sentiamus, quia vapulamur,
& sciamus quia vapulamur,
& doleamus quia vapulamur
Aug. Ps. 122. Profunt enim istæ
molestiæ tribulationesq; &
mala temporalia, quæ fideles
piè perferimus, vel ad sanan-
dum tumorem superbiæ; vel
ad probandā exercendamq;
patientiam, cui probatæ &
exercitatæ, clarior merces u-
beriorq; servatur; vel ad exer-
cendam probandamq; justi-
ciam, vel ad demonstrandam

B hujus

hujus vitæ miseriam, ut illam
beatitudinem veram atq; per-
petuam & desideremus ar-
dentius, & instantius inquiramus: ad quæcunq; vel deniq;
flagellanda & abolenda pec-
cata *Aug. Epist. 121. & de Trinit.
lib. 13. cap. 16.* & ideo Deus
huic vitæ malè dulci miscet
amaritudines tribulationum,
ut aliam, quæ salubriter dul-
cis est, requiramus *Aug. Ps. 43.*
miscet tribulationes gaudijs
terrenis, ut tribulationem sen-
tientes & amaritudinem, di-
scamus æternam desiderare
dulcedinem *Aug. Psal. 137.* eru-
dit nos Deus talibus flagellis,
ut non tenebrentur tenebræ
nostræ; agnoscamus nos sub
pœna flagelli esse; & benedi-
cimus Deum miscentem jam
ama-

amaritudines dulcedini vitæ
temporalis, ne temporalium
deliciarum delectatione cœ-
cati non desideremus delicias
æternas *August. in Psalm. 138.*
sed ut Deum magis diligamus,
neve forte per saginam cor-
rumpamur & obliviscamur
eum, subtrahit nobis aliquan-
do quæ necessaria sunt, & at-
terit nos, ut sciamus quia pa-
ter & Dominus est non solum
blandiens sed & flagellans
August. Psalm. 62. Et cum blandi-
tur pater est, & cum cædit pa-
ter est. Ideò blanditur, ne de-
ficiamus: ideò cædit, ne perea-
mus *Aug. Psalm. 98.* nam & eos
quos emendat Deus multum
amat: sed ne dissoluta securi-
tate negligentius agant: abs-
condit ab eis dulcedinem

amoris sui, quibus utile est timere ipsum *August. Psal. 30.* & si cessaret Deus, neq; misceret amaritudines felicitatibus seculi, oblivisceremur eum. Sed ubi angores molestiarum faciunt fluctus animæ, fides illa, quæ ibi dormiebat, excitatur *August. Psal. 93.* & experimur quotidie calamitates & mala huiusmodi usu quodam bono converti in bonum, dum non augent nostram concupiscentiam sed exercent patientiam, *Aug. Epist. 156.* crebrescunt molestiæ in huius vitæ fragilitate, & æternam requiem nos desiderare compellunt *August. Epist. 144.* Nam cui verè propicius est Deus, non solum donat peccata ne noceant ad futurum
secu-

seculum, sed etiã castigat, ne
semper peccare delectet *Aug.*
Psal. 98. Si quando ergò exi-
stant tentationes & pressuræ,
unde non sperabantur: jam
congregatis velut in utrem
aquis maris intelligamus Do-
minum hoc facere ad discipli-
nam, ut excutiat à nobis malè
providentem de temporali-
bus securitatem, & dirigat
nos in regnum suum compo-
sito desiderio *August. Psal. 32.*
Vita enim hæc qualibet re-
dundās felicitate multos fal-
lit: Deus neminem *Aug. Ps. 74.*
sub medico isto positi urimur,
secamur, clamamus: non au-
dit medicus ad voluntatem,
sed ad necessitatem *August.*
Psal. 21. & 22. Nunquid eju-
latus ejus, qui secatur, retra-

hit manum medici artificiosè
secantis: ille clamat, ille secat:
crudelis qui non audit cla-
mantem, an potius misericors
quia vulnus persequitur, ut
sanet ægrotum *August. in Joan.*
c. 1. tract. 7. Deum in tribula-
tionibus laudemus, & operâ
misericordiæ alacrius facia-
mus: Sicut enim ad loca mu-
nitiora festinantiùs migrant,
qui ruinam domus vident,
contritis parietibus immine-
re: sic corda Christiana, quan-
to magis sentiunt mundi hu-
jus ruinam crebrescentibus
tribulationibus propinquare,
tanto magis debent bona,
quæ in terra recondere dispo-
nebant, in thesaurum coelestè
impigra celeritate transferre;
ut si aliquis humanus casus
acci-

acciderit, gaudeat qui de loco ruinoso emigravit: si autem nihil tale fuerit subsequutum, non contristetur, qui quandoq; moriturus immortalis Deo, ad quem venturus est, bona propria commendavit *August. Epist. 138.* Et summam, occulta dispensatione providentiæ Dei tribulationes & persecutiones permittuntur in alium ad poenam, in alium ad probationem, in alium ad coronam. Ad poenam, quomodo permisi sunt alienigenæ capere populum Israel, quia peccaverant in Deum. Ad probationem autem permissus est Diabolus in Job. Probatus autem est Job, confusus Diabolus. Ad coronam verò permisi sunt

persecutores in Martyres.
Occisi sunt Martyres, quasi
vicisse se arbitrati sunt perse-
cutores. Hi in manifesto, fal-
sò triumpharunt, illi in occul-
to verè coronati sunt *August.*
Psal. 29. Tu igitur Jehova Deus
in omnibus tribulationibus
& adversitatibus tantum tunde
ut proficiamus, non ut de-
ficiamus: tantum tunde, ut
perduremus non ut commi-
nuamur *Aug. Psal. 38.* Sit non-
nulla nobis jocunditas, ne de-
ficiamus: nec sit plena securi-
tas, ne malè exulemus *Aug.*
Psal. 85. Tu fons vitæ da no-
bis inebriari ab ubertate do-
mus tuæ, & voluptatis tuæ
potari torrente, quo munda-
ti atq; vegetati non solum tri-
sticia non absorbeamur, ve-
rum

rum etiam gloriemur in tribulationibus: scientes, quia tribulatio patientiam operatur, patientia probationem, probatio spem, quæ non confundit *August. Epist. 144.*

Septimum remedium est consideratio dulcissimorum ex calamitatibus & adversitatibus nascentium & provenientium fructuum. Omnis enim tentatio probatio est: & omnis probationis effectus habet fructum suum, quia, plerūq; nobismet ipsis ignoti sumus, quid feramus, quidve non feramus: ignoramus, & aliquando præsumimus nos ferre, quod non possumus, & aliquando desperamus nos posse ferre, quod possumus. Accedit tentatio

B 5

quasi

quasi interrogatio, & invenimur à nobismetipsis, qui latebamus & nosmetipsos, sed artificem non latebamus *Aug. Psal. 55.* Erudit Deus bonos per malos, & per temporalem potentiam damnandorum exercet disciplinam liberandorum *August. Psal. 37.* Sicut, vasa figuli probat fornax, sic homines justos tentatio tribulationis *August. de merib. Ecclesiast. lib. 1. c. 23.* Fornax est mundus, palea injusti, aurum justus, ignis tribulatio, aurifex Deus. Quod igitur vult aurifex, faciamus: ubi nos ponit aurifex, toleremus. Jubemur nos tolerare, novit ille purgare. Ardeat licet palea ad incendendum nos & quasi consumendum nos, illa incine-

cinerem vertitur; nos sordibus caremus *Aug. Psal. 61.* Malis quidem calamitates sunt tanquam ignis fœno: bonis ita sunt tanquam ignis auro. Manducatus est Judas ut fœnum: probatus est Job ut aurum: *Aug. Ps. 103.* & quemadmodum tuba ductilis ferro producit: ita Christianorum cor in Deum pressurarum plagis extenditur *August. Psal. 32.* Tuba ductilis erat Job, quando repente percussus tantis damnis & orbitate filiorum, rursus illa tantæ tribulationis factus tuba ductilis sonuit, Dominus dedit, Dominus abstulit, sicut Domino placuit, ita factum est: sit nomen Domini benedictum. Quomodo sonuit, quam suavem sonum
B 6 dedit

dedit ista ductilis tuba? Ad-
huc tunditur: datus est in po-
testate, ut & caro ejus percu-
teretur. Percussa est, cepit pu-
trefcere, scatere vermibus:
supposita Eva ad seductio-
nem, uxor ejus servata ad mi-
nisterium Diaboli, non ad so-
latium mariti, suggerit bla-
sphemias, non obtemperat
ille. Obtemperavit Adam E-
ve in Paradiso: repellit Adam
Evam in stercore. Melior Job
putris in stercore: quàm inte-
ger ille in Paradiso *Augustin.*
Psal 97. Victus in Paradiso:
victor in stercore. Ibi victus
est à Diabolo per mulierem:
Hic vicit Diabolum & mulie-
rem *Aug. Psal. 34.* Cautior ni-
mirū Adam in stercore, quàm
Adam in Paradiso. Nam A-
dam

dam in Paradiso consensit,
mulieri, ut de Paradiso emit-
teretur. Adam in stercore re-
spuit mulierem, ut ad Paradi-
sum admitteretur *Aug. Psal. 29.*
Tu igitur creator & conser-
vator noster sic nos luteos &
stercoreos homines rege &
guberna, ut simus aurum, non
palea, istam ignis tribulatio-
nis absumit, illud perpurgat:
non simus aridi, ne de pressu-
ra nihil exeat *Aug. Psal. 49. &
Psal. 55.* sed ex tribulatione,
fructum feramus multiplicem
cum patientia *Luc. 8. v. 15. Aug.
Psal. 128.*

Octavum huic adhærens
remediū est necessitas. Neq;
enim revera, si fallacis pro-
speritatis semper hic tran-
quillitas arrideret, anima hu-
mana

mana portum illum veræ cer-
tæq; securitatis appeteret.
August. Psal. 156. Versamur igitur
in regione non gaudendi
sed gemendi, non jam exul-
tandi sed adhuc plangendi
Aug. Psal. 55. Quantum acce-
dunt dies, augentur tribula-
tiones. Nemo sibi promittat,
quod Evangelium non pro-
mittit: non nobis promittunt
seripturæ nostræ in hoc secu-
lo, nisi tribulationes, pressu-
ras, angustias, augmenta do-
lorum, abundantiam tenta-
tionum *August. Psal. 39.* Quam-
diu hic est Ecclesia, non dee-
rit labor, pressura, tribulatio:
nihil aliud speremus *August.*
Psal. 48. Non potest vita no-
stra in hac peregrinatione,
esse sine tentatione: quia pro-
fectus

fectus noster per tentationem nostrā fit: nec sibi quisq; innotescit nisi tentatus, nec potest coronari nisi vicerit, nec potest vincere nisi certaverit, nec potest certare nisi inimicum & tentationes habuerit *Aug. Psal. 60.* Est tota vita humana super terrā tentatio *Job. 7.* Persecutus est plane & Diabolus animam Christi, & Judas animā Magistri: & nunc ad persecutionē corporis Christi idem Diabolus manet; Judas autem Judæ succedit *August. Psal. 142.* Tu igitur Dominus noster, qui passione tua ostendisti nobis vitam præsentis necessitatis, qua oportet & laborare & tribulari, & ad extremum mori *Aug. Psal. 148.* in hac necessitate nobis

nobis succurrere: & proba,
atq; castiga nos, non ut Rex
severus, sed ut pater benignus
Sapient. 11. v. 11. non ut iudex
damnans, sed ut pater corri-
gens *August. Psal 79.* Et nos te
adjuvante effundemus super
nos animam nostram, confi-
tebimur in lachrymis, geme-
mus in confessionibus, in mi-
serijs suspirabimus *Aug. Ps. 85.*

Nonum remedium est, ut
certo statuamus Deum sum-
mè fidelem esse *Deut. 32. v. 2.*
Esaiæ 49. v. 7. 1. Thes. 5. v. 24. &
2. ad Thess. 3. v. 1. Job. 3. v. 9. &
in calamitate benignè nobis
facere, ne dolorem habeamus
super dolorem *Phil. 2. v. 27.*
nevè supra vires tentemur &
periclitemur *1. Cor. 10. v. 13.*
nam si tantum posset nocere
Diabo-

Diabolus vel unusquisq; ho-
mo malus, quantum vult: non
aliquis iustorum remaneret
aut aliquis fidelium esset in
terra. Ideo ad mensuram
permittitur tentare Diabolus
August. in Psal. 52. ut erudia-
mur, non opprimamur, & ut
post mensuram lachrymarum
sequatur corona gaudiorum
August. Psal. 79. Nam tota mi-
seria generis humani, in qua
gemit mundus, dolor est me-
dicinalis non sententia pœ-
nalis *August. Psal. 138. pag. 868.*
dulcia sint nobis flagella pa-
tris, nè sit amara sententia ju-
dicis *d. Psal. 138.* Tu igitur cle-
mentissime pater infunde
nobis poculum ad mensu-
ram, quam ferre possimus, &
poculum præbbitum gustan-
do


do prius aliquantum edulca,
ut id cum amaritudine tole-
rabili imbibitum, & vitiosita-
tibus expurgandis & peri-
mendis adhibitum nobis dul-
cescat.

Decimum remedium est
consideratio liberationis cer-
tissimæ. Etsi enim mens
nostra est in tribulationibus
marcida, fessa in angoribus,
contracta in tentationibus,
ægra in laboribus: tamen eri-
gitur desuper capiens verita-
tem & consolationem *August.*
Psal. 42. sæviat quantumlibet
inimicus, oppugnet nos, insi-
dias nobis præparet, scanda-
lis crebrescat, & faciat angu-
stia nostrum: inquilini erimus
in tabernaculo Jehovæ usq;
in secula. Non vincetur Ec-
clesia,

lesia, non eradicabitur, nec
cedet quibuslibet tentationi-
bus, donec veniat huius se-
culi finis, & nos ab ista tem-
porali, æterna illa habitatio
fufcipiat: ad quam nos dedu-
cet, qui factus est spes nostra
August. Psal. 60. capimur certè
miserabiliter, sed evellit Deus
misericorditer *August. con-
fess. 10. c. 34.* multi sunt lan-
guores, multi sunt & magni:
sed major & amplior est me-
dicina creatoris *August. con-
fess. 10. c. 43.* æstas est seculi,
sed magna umbra est sub alis
Dei *August. Psal. 60.* quando
magis crebra sunt mala: dul-
cior est Dei misericordia.
August. Psal. 41. Brevis est mo-
lestia nostra; æterna, beatitu-
do nostra: ad modicum do-
lemus

lemus, sine fine gaudebimus
August. Psal. 36. Expectemus
Dominum, qui nos salvos faci-
at à pusillanimitate & tem-
pestate *August. Psal. 54.* & libe-
ret nos ab omni tentatione,
& opprobrio & despectu
August. Psal. 122. ut exultantes
cum illo evadamus scandala,
tribulationes mundi, perse-
cutiones inimicorum, dolos
hæreticorū, suggestiones Dia-
boli, & cupiditatum confi-
ctationes *August. Psal. 123.* Tu
igitur benignissime pater li-
bera nos à malo *Matt. 5. v. 13.*
Luce 11. v. 4. Tu clementissime
Domine, qui resurrectione
& clarificatione tua ostendi-
sti nobis vitam, quā accepturi
sumus, cum veneris retribuere
dignis, mala malis, bona
bonis

bonis *Aug. Psal. 148.* interim in
hac peregrinatione & cala-
mitate nos serva & protege.
Cæterum quod totius rei ca-
put unum & summum est, tibi
soli sapienti, immortalis, æter-
no omnipotenti Jehovæ Deo
sit laus, gloria, & robur, tibi
inquam vel cædenti vel blan-
dienti, tibi vel flagellanti vel
condonanti, tibi velexercenti
vel consolanti, tibi vel urenti
vel secanti, vel sine istis re-
medijs coronanti,
Amen.



MEDI-

MEDITATIO-
NES TRES DE INIMI-
CIS DILIGENDIS.

PRIMA.

Doles humanam
miseriam, cujus in
amicitijs mutua
charitate retinen-
dis, quantalibet illa sit, incer-
ta permanſio eſt. *Aug. Epist. 19.*
nimirum difficile tibi eſt, pro-
ximum eundemq; amicum
constanti & perpetua volun-
tate diligere, longeq; diffici-
lius inimicos dilectione &
charitate debita complecti.
Certè in justificationibus Do-
mini nulla res eſt difficilior
& mirabilior, quàm ut ſuos
quisq; diligat inimicos. *Aug.*
Pf. 118.

Pfal. 118. Sed cum Jehova Deus
difertè ac præcisè præcipiat,
ut inimicos diligas. *Matt. 5.*
v. 44. Luc. 6. v. 27. Actor. 7. v. 6.
cum viro sancto patrem Do-
mini nostri Jesu Christi adi-
& da, dicas, mihi quod jubes,
& tum jube quod vis *August.*
Confession. 10. c. 29. c. 31. Et c. 37.
Medicum illum adhibe, ut æ-
gro tibi persuadeat, amarum
quidem esse inimicum dilige-
re, sed salubre. *August. Psal. 39.*
Noli igitur orare & dicere,
occide illum inimicū meum.
Nam ista precatōne non Do-
minum inquiris, sed quasi fa-
cis te judicem super inimicū
tuū, & facis quæstionarium
Deum tuum. Unde scis, ne
melior te sit, cujus mortem
quæris? *Aug. Psal. 33.* Noli ini-
micum

micum hominem odio habere: ne, cum odis malus, quem pateris malum, sint duo mali. *August. Psal. 30.* nevé charitas, quæ unum ægrotum fiebat, qui te oderat, jam duos plangat, si & tu odisti *August. tract. 8. in epist. Joan.* Diligas igitur bonus: & quem pateris malum, ut vel unus sit malus; *August. d. Psal. 30.* Ora pro te primitus, ut animum tuum, Deo miserante atq; opitulante vincas, quo fereris in ulciscendi cupiditatem, cum detrahitur sive præsentis sive absentis tibi. Deinde, cum patientiam recordaris tanquã ipso excitato, sicut factum est, cum dormiret in navi, qui perturbationem cordis tui tempestatemq; tranquillat, animo

animo sedato atq; placato:
ora etiam pro ipsis detracto-
ribus tuis, ut securus dicas:
Dimitte nobis debita nostra,
sicut & nos dimittimus debi-
toribus nostris *August. Psal. 108.*
ora inquam pro inimico, &
ut fratrem admone *2. ad Thes.*
Sal. 3. v. 15. qui etiam, si sana-
bilis sit, à malo desistet, & ad
mutuam charitatem flectetur,
sed si sit insanabilis & male-
dictionem diligere perrexe-
rit: maledictio ei veniet *Ps. 109.*
At respicis inimicum tuum
adversantem, sævientem,
mordentem verbis, exaspe-
rantem contumelijs, infe-
stantem odij *Augustin. d. tra-*
ctat. 8. ægrè fers, quod for-
tè te persequitur vicinus
tuus, aut ille quem læsisti,
C aut

aut cui fecisti injuriam: aut
qui vult auferre res tuas: aut
contra quem prædicas veri-
tatem: aut cujus peccatum
objurgas: aut quem malè
viventem benè vivendo læ-
dis. *Augustin. Psal. 34.* Cum
aliquid tale pateris Christia-
nus, non debes facilè velut
odio ire in eum, à quo pa-
teris, & velle ventum vince-
re: sed convertere te ad ora-
tionem, ne amittas dilectio-
nem: Neque enim timen-
dum est, aliquid faciat homo
inimicus. *Augustin. Psal. 54.*
Sævit in te homo? ille sæ-
vit: tu deprecare. ille odit:
tu miserere. *Augustin. d. tra-
ctat. 8.* Quid enim facturus?
Multa mala dicturus, oppro-
bria jaculaturus, in convi-
ciji

cijs sæviturus. Sed quid tibi? gaudete, inquit Christus, & exultate, quoniam merces vestra multa est in cælis. Ille in terra geminat convicia: tu in coelo lucra, *Augustin. d. Psal. 54.* Ille angustias tibi facit in terra: tu migra in cœlum, sursum cor ibi habe, ubi latitudo est, ut nullas angustias patiaris in spe vitæ æternæ *d. tractat. 2.* Sed sæviam amplius, possit & aliquid amplius: quid te securius? cui dictum est: Nolite timere eos, qui corpus occidunt, animam autem non possunt occidere. Quid est ergo timendum, quando pateris inimicum? Ne conturbetur in te dilectio, qua diligis inimicum. Etenim

nim inimicus ille homo ca-
ro & sanguis quod videt
in te appetit. Alius autem
inimicus occultus rector ha-
rum tenebrarum, quas tu pa-
teris in carne & sanguine,
alterum occultum tuum pe-
tit, thesauros tuos interiores
depraedari & vastare moli-
tur. Duos ergo inimicos
constitue ante oculos, unum
apertum & alterum occultum;
apertum, hominem; oc-
cultum, Diabolum. Homo
ille hoc est, quod tu se-
cundum naturam humanam:
secundum fidem autem &
dilectionem nondum quod
tu, sed poterit esse quod tu.
Cum ergo sint duo, unum
vide, alterum intellige, u-
num dilige, alterum cave.
Namq;

Namq; & inimicus ille quem
vides, hoc in te vult hu-
miliare, unde vincitur: ver-
bi gratia, si divitijs tuis vin-
citur, pauperem te vult fa-
cere: Si honore tuo vin-
citur, humilem te vult fa-
cere: Si viribus tuis vinci-
tur, debilem te vult facere.
Ea igitur intendit in te vel
deicere vel auferre, quibus
vincitur, & ille occultus
inimicus illud tibi vult tol-
lere, unde vincitur. Homo
enim hominem vincit hu-
mana felicitate: Diabolum
autem vincit inimici dile-
ctione. Quomodo ergo ho-
mo ambit auferre tibi & de-
truncare aut avertere feli-
citatem, qua vincitur: sic
& Diabolus hominem vult

C 3

vince-

vincere auferendo, unde vincitur. Sed cura in corde seruire inimici dilectionem, quæ Diabolum vincit. Sæuiat homo quantum potest, auferat quicquid potest: Si diligitur apertè sæuiens, vincitur occultè sæuiens, *Augustin. d. Psalm. 54.*

ALTERA.

Iustus magis cupit inimicum suum corrigi, quàm puniri: & cum in eum videret à Domino vindicari, non ejus delectatur poena, quia non eum odit: sed divina iustitia, quia Deum diligit. deniq; si in hoc seculo in eum vindicatur, vel pro illo etiam lætatur, si corrigitur, vel

vel certè pro alijs, ut eum
timeant imitari. Ipse quoq;
fit melior non supplicio il-
lius odia sua pascendo;
sed errata emendando. Ac
per hoc de benevolentia est
non de malitia, quod lætatur
justus, cum videt vindictam,
& manus suas lavat, id est,
opera sua mundiora efficit
in sanguine, hoc est, in exi-
tio peccatorum, fumens in-
de non mali alieni gaudium,
sed divinæ admonitionis
exemplum. Si autem in
futuro seculo, ultimo Dei ju-
dicio, vindicatur: hoc ei pla-
cet quod Deo, ne benè sit
malis, ne piorum præmijs
etiã impij perfruantur: quod
utiq; injustum est, & à re-
gula veritatis, quam justus

diligit, alienum. Cum enim nos ad diligendos inimicos dominus hortaretur, exemplum proposuit patris nostri, qui in coelis est, qui facit solem oriri super bonos & malos, & pluit super justos & injustos. Nunquid tamen ideò vel temporalibus correptionibus non emendat, vel pertinaciter duros in fine non damnat? Sic ergò inimicus diligendus, ut non displiceat Domini justitia, qua punitur: & sic placeat justitia qua punitur, ut non de malo ejus sed de bono judice gaudeatur. Malevolus enim animus contristatur, si ejus inimicus correctus evaserit poenam. Et cum puniri eum videt, vindicari

dicari ita se gaudet, ut non
iusticia Dei, quem non di-
ligit, sed illius, quem odit,
misericordia delectetur. Et, cum
Deo dimittit iudiciū, ut
plus noceat Deus, quā ipse
nocere possit, exoptat. Et,
cum dat cibum esurienti ini-
mico, potumq; sitienti: ma-
litiōsē sapit quod scriptum
est: Hoc enim faciens car-
bones ignis congeres super
caput ejus. *Roman. 12. vers. 20.*
Agit enim, ut amplius ag-
gravet & ei excitet indigna-
tionem Dei, quam carbo-
nibus ignis significari putat:
non intelligens, illum ignem
esse pœnitentiæ urentem do-
lore; quousq; caput erectum
superbia, beneficijs inimici
ad humilitatem salubrem de-
C 5 pona-

ponatur, & in bono illius,
hujus malum vincatur: Un-
de Apostolus vigilanter ad-
junxit: Noli vinci à malo,
sed in bono vince malum.
Quomodo autem potest vin-
cere in bono malum, in
superficie bonus, & in ab-
dito malus: qui opere par-
cit, & corde sævit, manu
mitis, voluntate crudelis?
Intelligamus ergo sanctos
homines Dei suos inimicos
dilexisse, nec cuiquam vo-
luisse nisi bonum: quod est
pietas in hoc seculo, æter-
nitas in futuro: in pœnis
autem malorum non malis
eorum, sed Dei bonis judi-
cijs fuisse delectatos *August.*
Psalms. 78. Pone tibi ante
oculos hominem iniquum,
com-

commotū animo, truce[m] vultu, flammantibus oculis, scintillantibus verbis ferri in hominis necem, in deprædationem, in injurias, in contumelias, non se capere, non se tenere: alterum, patienter excipientem verbera ac plagas, quicquid ille inferre voluerit, & petcutienti maxillam, parantem alteram: cum videris hinc furias, inde lenitatem: hinc iram, inde patientiam: hinc flammam, inde tolerantiam, dubitas pronunciare, quis eorum ardeat pœnamq; patiatur? Ille nē, cujus corpus vexatur, an cujus animus vexatur? Propterea & Esaias Propheta dixit: Et nunc ignis adversarios com-

C 6

edet.

edet. Quid est & nunc?
Antequam veniat dies ille,
judicij magnus, jam furore
suo ardent, qui postea sup-
plicio sempiterni illius ignis
arsuri sunt. Nisi forte pu-
tatis, fratres mei, quia inju-
sticia, quæ procedit ex homi-
ne ad lædendum alterum ho-
minem, illi, ad quem proce-
dit, nocet, & illi, de quo pro-
cedit, non nocet? Unde
fieri potest? Aliquando fa-
cula ardens apponitur ad li-
gnum humidum & viride, &
non illud incendit, ipsa tan-
tum ardet; sic & inimicus
tuus. Si quis fortè existit
injustus, qui tibi moliatur
insidias, vel præparèt aliquas
molestias, injustus est. Tu
si viride lignum fueris, id est,
si suc-

si succo spiritali vicens & vi-
rens; flammis inimicitarū re-
stiteris, orando, pro illo, qui
te persequitur: ille ardet, tu
manes integer: & iniusticia
illius illi nocet, tibi nihil no-
cet: nisi forte putas, quia no-
cet tibi, si corpori tuo aliquid
fecerit, & anima patiens &
incorrupta ad Deum coro-
nanda pervenerit, sequens
exemplū domini sui, qui pati
maluit à Judæis, &, qui pote-
rat non mori, mortuus est, &
qui poterat non nasci, natus
est. Tu enim conditione natus
es, ille voluntate: tu condi-
tione moreris, ille misericor-
dia. Quomodo ergò illi
nihil nocuerunt Judæi, sic
nec tibi quisquam persecu-
tor inimicus, si tu elegeris
esse

esse membrum capitis illius
Augustin. Psalm. 96. deniq; sis
tu inimico tuo amicus: & erit
Deus inimicus inimicorum
tuorum & adversarius ad-
versariorum tuorum *Exod. 23.*
vers. 22. Amen.

TERTIA.

BEatus, qui amat te
Deum & amicum
in te, & inimicum
propter te, *Augustin.*
confess. 4. c. 8. Præci-
pis tu sine exceptione
dilectionem proximi:
&, ne quisquam ex-
ceptionem in inimicis
ex

ex se comminiscatur:
inimicos, diligere in spe-
cie jubet *Matth. 5.*
v. 44. Beatus vero,
qui praecepta tua ser-
vat. *Exod. 20. vers. 6.*
Numer. 15. v. 40. Sed
sunt alij quoq; ejus rei
fructus magni & dul-
ces: nam tuo praesidio
atq; munimento ini-
micitias non pertime-
sco, cujus praeepto &
dono diligo inimicos
Augustin. de vera reli-
gion. c. 47. & sicut a-
mici

mici adulantes me per-
vertunt, sic inimici liti-
gantes me corrigunt.

Augustin. Confess. 9.

vers. 8. & sunt inimici

*jurgantes plerumq; u-
tiliores, quàm amici
objurgare metuentes*

Augustin. Epistol. 15.

Sunt inimici mei quo-

dammmodo ferramenta

tua, quibus sanor. Tu

novisti utile esse, ut ex-

spolient me: tu novisti

utile esse, ut vapulem.

De illis me curas, opto

igi-

igitur, ut illi sanentur,
Augustin. tractat. 8. in
Epistol. Johan. & ut ini-
micos diligens ex su-
surrionibus vel detra-
ctoribus correctos ha-
beam consortes. *Au-*
gustin. de Civitat. Dei,
libr. 5. cap. 19. Propi-
cius, Domine, illis
esto, dimitte illis pec-
cata, incute illis terro-
rem, muta illos, non
amo in illis quod sunt,
sed quod velim ut sint
Augustin. d. tract. 8.
Nun-

Nunquid Medici ægrotos diligunt, ut semper ægrotent? ad hoc diligunt ægrotos, ne ægroti permaneant, sed ut ex ægrotis sani fiant. & quanta plerumq; patiuntur medici à phreneticis? quales contumelias verborum? plerumq; etiam percutiuntur: persequitur medicus febrem, ignoscit homini: morbum odit, amat ægrotum Sic ini-
mi-

micum oderim quod
invidet & sævit: sed a-
maverim, quod à Deo
factus sit *d. tractat. 8.*
deniq; si inimici vel
maximè pecuniam tol-
lant, exspolient, pro-
scribant, in exilium
mittant, doloribus,
tormentisq; crucient,
ad extremum, si per-
missi fuerint, occi-
dant: tamen à te Deo
meo separare me non
possunt. *Augustin.*
Psalin. 137. Exurgant
igi-

igitur inimici, siue ex
numero malorum ho-
minum, siue ex nume-
ro malorum angelo-
rum. *August. Psal. 117.*
taceant & occultent
inimicitias suas: *Aug.*
Psal. 139. agant ex
insidijs: *Exod. 1. v. 10.*
& *seqq.* si callida &
insidiosa consilia non
sucedant, ad violenta
consilia properent:
Exod. 1. v. 22. hos ego
omnes in tuo adiutorio
despiciam *Augustin.*
d. Ps.

d. Psalm. 117. Quam-
diu hic est ecclesia,
quamdiu gemit triti-
cum inter paleas,
quamdiu gemunt spi-
cæ inter zizania, quam-
diu gemunt vasa mi-
sericordiæ inter vasa
iræ facta in contume-
liam, quamdiu gemit
lilium inter spinas:
non deerunt inimici,
qui dicant: Quando
morietur & peribit no-
men ejus? Sed ecce
illi sine fine moriun-
tur,

tur: & permanet eccle-
sia prædicans manum
domini omni genera-
tioni superventu-
ræ, *Augustin.*
Pfal. 70.

DEO GLORIA.





HÆc tua, Christe Deus, vox
est, qua diligere hostes:
Et, qui laeserunt nos, ad-
mare jubes.

Sentio, Christe, meas culpas:
has, Christe, remitte:

Quodq; jubes, mihi da: quod
cupis, hocq; jube.



Tota vita discenda e
mori Seneca
Nam Philosophia e wordil
daxale meditatio mortis
Huguley: Philosophum nec
oportet sic acere, quam ut
per studium animam confort
corporis se parare, sed es ex
stimandam Philosophiam e
mortis afflictum.

Qui nihil aliud toto vita
curse meditaty e quam
sunt moveres, sine optime
valis auctoritate etatis. Ba
Cent 2 3 18 72

Fortuna meo laus fragilis
Non quos clarificat perpe-
tuo fovet
nec quos deseruit perpetuo
premit

Aureon

Fortuna nunquam sedit
in eodem statu
Semp. movetur variet
et mutat vias
Et summa in imum vertit
ac versa erigit

Alb. de Rosare ad l. Beni C de
Curia Romana non caput / qua
orem sine laun / Cura
mi p. 2
Dantes exquidit non Danubij
or ostia claudet


Si caput a capio vel dixeris
a capiendo
Tum e Roma caput, ita namq
caput

S. declinando capro capros
ad capiendum

Retia laxavit extra larga
nimis

fac Alb de Rosare ad l. l.






I N I

83. non timenda
 ibid. repentina 84
 ubiq; praesens ibi
 prima quid sit 86.
 Secunda quid ibi
 differentia inter
 primam & secun-
 dam ibid. Piorum
 qualis 86. Impiorū
 qualis. 87

N.
 Nazian. 49. 64. 79
 Nero derisit mor-
 tuorum resurre-
 ctionem. 104
 Niceus. 7
 Nilus Episcopus 2
 O.
 Otium fugiendum
 13. alit. pravas. cu-
 piditates. ibid.
 Olympiodorus 88
 Origen. 4. 12. 45. 54
 Origenis error 2
 Quid. 11. 47. 49. 84
 P.
 Pœnitentia requi-
 ritur ab omnibus



imo.
 esta-
 i Te-
 non.
 a 19.
 pec-
 us 22.
 agē-
 raro.
 culo-
 24.
 iciū 5.
 m x.
 ost di-
 nilis 2.
 onio-
 cala-
 5.
 luvies.
 10.
 2. 5.
 8. 9.
 12. 35.
 8. 84.
 101.
 28.
 Por-
 erunt.
 207.